

西歷一千九百二十三年二月

蒙古問題

郭道甫 著



叙

巴黎和會將開余嘗與同志擬議欲草一蒙古西藏自治案與山東滿洲問題諸案同時提出蓋思徹底的適用民族自決主義而以我國爲天下倡也既至歐洲觀彼都人士之精神殊不在是且對於東方問題蓋擾擾未暇多及則廢然不復欲有云雖然吾信茲議非久終須實現也吾族雖未嘗不以地狹人稠爲病而通計全境則調劑之餘裕正多不必利蒙藏之土地以自封殖蒙藏既各有其民族之特性與其歷史譬諸家有二幼弟既已及年爲長兄者宜左右之使自樹立永保敦睦而家以榮而非然者束縛之馳驟之致相怨一方勢必爲室外人所間兩受其敝而已藏事今方在醞釀中端兆未露蒙事則情見勢絀既如彼矣嗚呼近世所謂帝國主義者本與吾族固有之大同汎愛之精神相反而十年來所以待蒙古者偏欲襲彼已死之灰而燃之進退失據固其所也往者不可諫矣亡羊補牢猶未爲遲自今以往吾漢人宜徹底的覺悟努力扶助蒙古人使養成完全自治之能力將來以聯邦的形式共榮於五色國旗之下蒙古人亦宜徹底的覺悟詩有之凡今之人莫如兄弟其

母以過去小忿悻悻然利用異族而結果乃至被利用也嗚呼兩族中曾有此覺悟者幾何人耶吾不敢言未覺而覺之則先覺者之責也郭君道甫蒙古之振奇士也當蒙古人酣睡初覺意態橫厲之際既乘流以揚撥之復思患而豫防之爛爛然目營四海爲族人樹百年大計其著書曰黃禍之復活痛禍之將復而思弭之使勿復也書中所述蒙人之國民運動的實狀多爲吾國人士所未嘗聞觀而其所策兩族互助之下手辦法若甚微末甚迂遠實乃洞察兩族特性與其共同利害關係之所存而善於批竅導卻者也嗚呼邦人諸友儻亦聞郭君之言而愾然興也民國十二年四月

新會梁啓超叙

叙

民國肇釐十有四載而中華民族多以脫離專制而享平等幸福矣惟我五百餘萬蒙古平民迄未躋於平等之列仍被壓迫於階級專制之下私權咸被其剝奪常無安居生活之路公權盡被其販賣永無參政之機會名雖國民實如黑奴王公暴虐烈於桀紂蒙民慘苦酷於朝鮮顧吾蒙民痛受壓迫若斯之甚而無反動者其故安在耶緣吾蒙古平民無團體無覺悟無自決之精神而然也苟有團體能覺悟奔民族自決之精神獨立之生氣急起奮鬪赴湯蹈火甘之如飴殺身成仁惟恐或後則我蒙族爭自由爭平等爭人格脫離專制餘毒豈非易如反掌也哉否則當此競爭生存優勝劣敗之秋我蒙族豈獨永爲奴隸被壓迫而已耶不久種族亦陷於滅亡之域耳嗚呼我蒙古平民豈不從速醒悟結團體共同奮鬪爲我蒙族爭自由爭平等爭人格以謀脫離專制慘毒也歟郭君道甫乃吾蒙古青年之先覺者擬欲拯救我五百萬蒙古平民於倒懸之患也已十有餘載矣不幸國內多事蒙地專制尤甚故編此書以希海內賢達之援助而資啓發我蒙古青年之智識期以文化救濟我

蒙古問題 序言
蒙族者也讀其書則思過半矣

漠南白雲梯叙

四

蒙古問題一名黃禍之復活

目錄

第一章 緒論

第一節 世界現狀與蒙藏之糾紛

等二節 西藏與蒙古

第三節 本書之主張

第二章 蒙古問題之發生

第三章 中國與蒙古獨立

第一節 外蒙自治

第二節 徐樹錚之經略外蒙

第三節 陳毅之治外蒙

第四節 張作霖之經略外蒙

第四章 俄國與蒙古獨立

蒙古問題 目錄

蒙古問題 目錄

第一節 帝國政府之保護外蒙

第二節 白黨之侵入外蒙

第三節 紅黨之保護外蒙

第五章 蒙古與世界

第一節 蒙古之土地

第二節 蒙古之物產

第三節 蒙古之人民

青年蒙古之喚魂歌

第四節 蒙古之文化

第五節 蒙古之歷史

第六節 蒙古之國際

第七節 蒙古問題與世界禍福

第六章 蒙古之現在與將來

第一節

蒙古民族與世界潮流

忠告蒙古閱閥文

忠告蒙古宗教家文

忠告蒙古紳士文

第二節

外蒙國民政府

布里雅特人宣傳之蒙古問題文

第三節

歐美人士對於蒙古之注意

第四節

蒙古民族之危機

第七章

中國對於蒙古之正當覺悟

第一節

五族與民國

蒙古與中國之關係

第二節

外蒙政府與中華民國

外蒙古民政府致內蒙各盟長王公書

敬告外蒙國民政府當道書

致蒙古青年論立身處世之五種德性

第三節 漢族應當正式承認蒙古之資格

第四節 五族共和建設之關鍵

第八章 建設蒙漢大學之大綱

第九章 中華民國對於世界與蒙古

第一節 中國對於世界之責任

第二節 中國對於蒙古之責任

第十章 中國各界與蒙古問題

第一節 政府方面

第二節 各省方面

第三節 先覺新聞界及學界三方面

第四節 商界方面

第五節

教會方面

第六節

中國每人四厘之擔負與世界人類之幸福

第七節

今後用武力對待蒙古之推測

第十一章

模範世界國之新天地

第十二章

結論

蒙漢大學之效驗與進行辦法

蒙古問題
目錄



蒙古問題 一名黃禍之復活

第一章 緒論

第一節 世界現狀與蒙藏之糾紛

溯自歐戰結束以來世界大勢漸趨大同吾中華民國際斯盛時漸露頭角對於本國對於人類皆負有莫大之責任然洞察世界現狀其歐洲方面各國民族間儼然枕陲危機環伏者置諸不論卽就亞洲而論吾中華民國建設以來已逾十載不獨完全領土尙未統一卽內部亂爭猶未調和其中關係最大惹人耳目者厥爲山東問題與蒙藏問題今也山東問題業已解決而吾國人對於歐美兩大和平會議亦大顯其光榮現在所沸騰之旅大問題不過其尾聲而已惟對於蒙藏問題不獨尙無確實之準備卽對於蒙藏問題之真相猶未徹底明瞭故十年以來國人對於蒙藏問題忽而張皇失措不知所歸忽而忘諸腦後視若無事雖曰內政未修不遑暇顧究竟國人不徹底研究蒙藏問題致使亞洲內心之火山日蓄其爆烈噴吐之勢一旦風雲隨和則不獨燎於亞洲大陸勢必漫延乎全球各國猶如成吉斯汗

時代之震驚世界其於人類之厄運與今日之歐戰豈可同日語哉然而難者曰蒙藏者中國之領土也中國一旦振興則蒙藏問題即可迎刃而解豈有若斯駭人聞聽之說耶曰唯唯否否蒙藏者非獨一片領土且有蒙藏之人民在也垂涎蒙藏者非獨吾中國且有列強之野心在也解決蒙藏問題者非獨吾一國做主且有他國爲之做主也嗚呼蒙藏問題既有若此關係謂其不爲世界人類之禍源者未之有也於是乎黃禍之復活雖不起於蒙古民族之主人亦必起於蒙古民族之土地矣

第二節 西藏與蒙古

且夫蒙藏問題其發生之點雖同其有連帶之關係雖同其解決之方針亦雖同究竟蒙古與西藏其將來對於世界問題之勢力大有所異蓋蒙古土地之廣大物產之豐富人種之偉大歷史之光榮環境之刺激交通之便利迥非西藏之所能比亦非西藏之所能望其後塵也一旦蒙古問題完全解決則西藏問題亦必隨之轉移故舍西藏專論蒙古

第三節 本書之主張

夫蒙古既爲世界問題則其觀察點不能不提出關乎世界之要項以爲研究與解決之對象本書卽抱此目的用客觀之敘述不敢雜以感情其對於蒙古對於中國對於世界皆發揮互相了解互相扶助之大義亦未敢提倡極端之世界主義與極端之民族主義若期達到此種目的非從教育文化着手必不能收效其結果畫餅充飢耳掩耳盜鈴耳故本書之主張反對用武力與外交解決之失當卽以建設蒙漢大學恢復兩族間之情誼認爲解決蒙古問題之根本政策吾國人士噤此計畫爲紙上談兵與書生迂論乎請看十年來蒙古之逐鹿究竟死於誰手而將來覺醒之蒙古究呈何等現象有識之士若不河漢斯言則本書之作其對於世界和平之歷史或放一線之曙光亦未可知耳

第二章 蒙古問題之發生

蒙古民族自與滿洲朝廷聯邦以來其人民稱爲清國人其土地稱爲清國之領土其主權握於清國政府在中國歷史上已不能成爲問題然以今日之國家學觀察之滿清對於蒙古之關係其性質適似奧大利之於匈牙利瑞典之於挪威

所謂雙立君主國者是也蓋蒙古自成吉斯汗所遺歷史之觀念依然存在而滿清對於蒙古之土地宗教風俗習慣言語文字法律權利亦任其自由未敢加以侵犯不過略削其主權合爲一國耳後經滿清雄才大略之皇帝如康熙乾隆等特重其啦嘛教變其尙武精神滅其人口滋生並分封爲八十餘小扎薩克王國潛殺其勢力奴隸其人民此爲蒙古民族愚弱之原因亦卽滿清政府所以能統治蒙古之原因也然蒙古仍不與滿清內省一律依然爲特別之蒙古則自若也

迨至滿清末造俄國對於蒙古之野心已由試驗期進而爲實行期而滿清亦見於安南緬甸朝鮮台灣之喪失對於蒙古擬定經營改省之計畫在庫倫籌辦一切新政於是滿蒙二族聯邦之精神掃地已盡而蒙古爲清國蒙古之預兆顯然已見此外蒙王公所以密求外人之扶助卽外蒙獨立之事件所由發生也

第三章 中國與蒙古獨立

第一節 外蒙自治之經過

自一九一一年陰歷十月初九日外蒙獨立以後呼倫貝爾相繼獨立內蒙之

扎薩圖王烏泰亦起而響應時中華民國正式政府業已成立國人對於蒙古問題大爲發憤究其主張不外乎利用政治武力外交三大派第一派之進行手續除中華民國既由五族建設不容互相脫離外並頒布待遇蒙古條件以資收撫卽由袁世凱大總統電勸哲布尊丹巴活佛取消獨立此爲第一派之運動然往返多時卒未得要領於是乎轉而入於第二派之主張

國人知蒙古問題既不能和平了結於是征蒙討逆之呼聲遍於全國康有爲先生之蒙藏哀詞常視爲代表作品不意外蒙先發制人遣兵南下內蒙各旗聞風響應各省所派軍隊將見勢盡力絀內蒙全境大有朝不保夕之勢幸而俄國停止接濟其軍械彈藥中國內部亦有二次革命之發生於是用武力解決之第二派無形消沉乃轉而入於第三派

吾國政府既不能利用政治武力解決蒙古之問題不得利用干涉蒙古之俄國以解決之於是與俄使開正式會議磋商多時始訂聲明條件一九一五年在恰克圖中俄蒙三方會議之結果承認外蒙自治訂立協約簽字照會於是外蒙始

與中國恢復一部分之關係是爲第三派利用外交解決蒙古問題之一段結束

第二節 徐樹錚之經略外蒙

自一九一七年紅黨起事以來俄國自顧不暇對於蒙古勢必放棄惟白黨鄂

特曼

爲俄國西伯利亞武官之名
稱如中國之元帥將軍然

謝米諾夫巴龍恩琴等聯絡蒙古運動其建設獨立國

時徐樹錚藉段祺瑞參戰督辦之餘威被任爲西北籌邊使旋外蒙政府震於俄國

之內亂迫於中國之權勢遂有請兵保護之謠言於是徐樹錚帶軍蒞庫不久活佛

呈請撤治之呈文送達於北京政府時一九一九年十一月十七日也

民國八年

外蒙自

治撤銷後歷時不久將外蒙之政府全行改組擬設八廳一總務廳二財政廳三商

運廳四郵傳廳五墾牧廳六林礦廳七禮教廳八兵衛廳先設立總務兵衛財計三

廳將外蒙所有政治機關均併入之自徐樹錚失敗後陳毅接任其事權之重視前

更加甚焉是爲中華民國利用第二派武力作用解決蒙古問題之始

第三節 陳毅之治外蒙

一九二〇年九月十日特任陳毅爲庫烏料唐鎮撫使管理庫倫恰克圖烏里